

# HOMOFONE en HOMONIEME

★ **Homofone** is woorde wat dieselfde klink, maar hul spelling en betekenis verskil:

Die skape wei in die veld.  
Ek wy al my aandag aan my skoolwerk.

★ **Homonieme** is woorde wat dieselfde klink en dieselfde gespel word, maar verskil in betekenis:

Die vee wei in die veld.  
Ek vee die stoep met 'n besem.

**Die volgende woorde klink dieselfde en word dikwels verwar:  
(jy behoort nou self te weet bv. lei en ly is homofone en lei en lei homonieme)**

**lei / ly**

Lei die tuin nat  
Lei die span tot oorwinning  
Lei die hond aan 'n leiband  
Lei 'n gerieflike lewe  
Ly aan 'n ongeneeslike siekte  
Pyn en lyding

(NIE lui nie! – word anders uitgespreek en klink dus nie dieselfde nie)

**lui**

Die telefoon lui.  
Jy is lui as jy nie wil werk nie.

**peil / pyl**

Skiet met 'n pyl en boog  
'n Atleet pyl op die wenpaal af (soos 'n pyl uit 'n boog)  
Ek kan sy karakter net nie peil nie.  
Peil die diepte van die dam (skat en bepaal)

**steil / styl**

Steil hare is hare wat nie gekrul is nie (d.w.s. reguit).  
Steil opdraand (*steep*).  
Die styl van die bed is Victoriaans.  
Skrwywer / atleet se styl

**brei / bry**

My ouma brei 'n trui (*knit*)  
Brei 'n bietjie uit op jou antwoord  
Mense van Malmesbury bry gewoonlik hulle r'e.

**dokter / doktor**

Die dokter skryf vir jou medisyne voor wanneer jy siek is.  
doktor = graad in geleerdheid

**vee / fee**

Vee die trappe met 'n besem.  
Vee wei in die veld  
Die fee swaai haar towerstaffie

**vonds / fonds**

vonds = iets wat jy vind is 'n vonds  
skoolfonds = geld

<b>ys / eis</b>	Ys is gevriesde water Ek ys elke keer as hy so roekeloos bestuur. Ek eis dat jy na my luister Dien 'n eis by die versekering in.
<b>leun / leuen</b>	Leun teen die muur Vertel 'n leuen = jok
<b>vel / fel</b>	'n Mens se vel bedek jou liggaam Die houtkappers vel die boom neer (omkap) Die son brand fel neer (hewig)
<b>beul / beuel</b>	'n Beul is 'n laksman Hy blaas op 'n beuel
<b>vlei / vly</b>	Daar groei lelies in die vlei Komplimente vlei my Ek vly my neer (saggies en gerieflik neerlê)
<b>vaal / faal</b>	My hare is 'n vaal kleur. Om te faal beteken om nie sukses te behaal nie.
<b>vier / fier</b>	Vier jou sukses / verjaarsdag My boetie is vier jaar oud Die perd se houding is trots en fier.
<b>bot / bod</b>	Bome bot in die lente Karel is bot en gesels min. Maak 'n bod op die vendusie.
<b>graad / graat</b>	Hy het 'n graad in tale by die Universiteit van Stellenbosch behaal. Moenie 'n visgraat insluk nie.
<b>reik / ryk</b>	Reik uit na arm mense. Die ryk man het 'n groot huis gekoop.
<b>reis / rys</b>	Dit sou lekker wees as ons gereeld oorsee kon reis. Ek hou van rys, vleis en aartappels.
<b>bleik / blyk</b>	My hare het gebleik in die son. Dit blyk dat hy skuldig is.

**Maak nou jou eie verklarende sinne met die volgende homofone:**

**end / ent**  
**nood / noot**  
**hard / hart**  
**moed / moet**  
**voed / voet**  
**wed / wet**